

OPVSCVLVM

DE SENA,

PLANTA INTER OMNES,
quotquot sunt, hominibus
beneficentissima &
saluberrima.

AVTORE ANTONIO MIZALDO
MONLVCIANO, MEDICO.



LVTETIÆ,
Apud Federicum Morellum Regium Ty-
pographum, in vico Bellouacensi.
M. D. LXXIIII.
CVM PRIVILEGIO REGIS.

SVMMA PRIVILEGII.

REGIA sanctione cautum est, ne alius quispiam præter Federicum Morellum, Regium Lutetiæ Typographum, *hoc Opusculum de Sena, planta inter omnes, quotquot sunt, hominibus beneficentissima & saluberrima*, Autore ANTONIO MIZALDO Monluciano, medico, intra quinquennium absque manifesto eiusdem Mizaldi consensu, sub Regis ditione imprimat, aut vendat. Qui secus fecerit, libris & pœna in sanctione æstimata mulctabitur. Concessum fuit Priuilegium Lutetiæ Parisiorum die quinta Octobris, 1570.

Per Regem in Consilio,

DENYS.





SPECTATÆ VIRTUTIS
& eruditionis viro, IOANNI
LE CHARRON, Lutetiæ in Cu-
ria Vectigalium Præsidi, & Pari-
sienſium Mercatorum Præfecto,
ANTONIVS MIZALDVS
medicus, S D.

DRÆCLARA
& memorabilis illa
de Quintio Cincin-
nato Historia, cui, vt
ſcribit Plinius, qua-
tuor ſuâ iugera in Va-
ticano aranti (quæ erant, Columella te-
ſte, auitum eius herediolum) Viator, ni-
hil tale expectanti, Dictaturam attulit,

A ij

EPISTOLA

Et trepida ante boues, ut canit Persius,
 Dictatorem induit vxor: illa, inquam,
 historia, mihi ob oculos ponit, Præses
 spectatissime, nuper tibi oblatam Et
 adlatam Parisiensium Mercatorum, ut
 vocant, Præfecturam, qui summus est
 ciuium Et populi magistratus. Nam
 cum tu nihil tale expectares, potioribus
 ciuium Et minorum vrbis magistra-
 tum sententiis Et suffragiis, ad id fasti-
 gij selectus Et uocatus es: assentiente
 Et suffragia probante Christianissimo
 Rege CAROLO, cui placuisse, non
 ultima laus est. Quod factum, simul
 ac fama mihi nunciauit, statim ani-
 mum meum tanta inuasit letitia, ut
 prorsus dubitarem cui nam gratulari
 deberem: tibi ne, cui tam insignis digni-
 tas contigerit, an vrbi quæ talem habi-
 tura sit Præfectum, an Regi, qui tan-
 tum suis ciuibus Et Parisiensi populo

*præfecerit Nestorem, an potius mihi
 qui tibi sum amicissimus, & ob id for-
 tunarum tuarum particeps fieri debeo?
 si quidem uera sunt quæ Pythagorici
 tradunt, πάντα ἑλὼν κοινὰ: καὶ, ἑλὼν
 ἕπερον αὐτὸν εἶναι. Si quid, mihi crede, in
 rebus meis esset unione uel candidius,
 uel preciosius, ego hac nota libentissimè
 signarem eum diem, in quo non lubrico
 exoculata Deæ fauore, sed tribuum,
 & optimatum Urbis, concordi calculo,
 gratoque Principis assensu, eo magistra-
 tu, bonis, ut dicunt, auibz inaugura-
 tus es. Quod fœlix faustumque sit pre-
 cor & opto. Non etenim ignoras quan-
 to cum onere, nedum honore, illa pro-
 uincia, hoc præsertim tempore, tibi obe-
 unda sit. Verùm enim uerò, qua es mo-
 destia, uirtute & prudentia, quam na-
 ctus es Spartam, circumspectè, & Dei
 Opt. Max. præsidio, inculpata, reges &*

EPISTOLA

adornabis. Quod reliquum est, ut nouo aliquo munusculo, nouum hunc magistratum tibi gratularer, uisum fuit, ceu palàm testato animi mei gaudio, in tuo nomine publicare, & tibi officiosè deuouere Opusculum hoc de SENA, planta inter omnes, quotquot sunt, hominibus beneficentissima & saluberrima: ut quod medicorum est promittant medici, & tractent fabrilia fabri. Quale quale est Opusculum, de eo dicere haudquaquam dubitem quod de philosophiæ studio scripsit Horatius,

*Æquè pauperibus prodest, locupletibus æquè:
Æquè neglectum, pueris, senibusque nocebit.*

Illud itaque placidè, pro tuo candore, excipere, & in μνημόσυνον meæ erga te non uulgaris & ueteris amicitiae habere dignaberis. Quod factū si intellexero, non solū conatus meos ad meliora promouebis, sed & me ipsum tibi deditissi-

mum semper habebis. Verùm hæc satis, præsertim apud eum cui Populi commissi, & magna negocia curæ. Fæliciter itaque vale, Præses æquissime, & Præfecte vigilantissime, in eo qui omnium valetudinem & salutem in manu habet: cuius immensa bonitas, & te, & eximium socerum tuum in regiarum rationum collegio, vel, ut loquuntur, Computorum Camera Magistrum, mihi semper & vnicè colendum, diu Reipub. incolumes custodire dignetur. Lutetiæ, Calendis Septembr. Anno CHRISTI, 1572.

IOANNIS DECVLLANT MON-
LVCIANI, IN SENATV PARISIENSI
Aduocati, Ode dicolos tetraſtrophos ad
Ant. Mizaldum cognatum chariſs.

*Næ, MIZALDE, vides quòd celeres citò
Anni diffugiunt, atque dies boni:
Noſcis quid valeat ſudor, & ocium
Quàm ſit triſte malum. nimis.*

*Præclarè ergo facis dum vegetum viget
Iam nunc ingenium, & firmus adest calor,
Scriptis velle tuis noſcere poſteros,
Te vixiſſe nepotibus .*

*Debent multa tibi docta μαθήματα,
Debent ἱατρικὴς ſcita ſalubria,
Nam cunctis aperis quæ præcioſa ſunt
In his, ingenuè, artibus.*

*Non ingrata ferent ſæcula gratiam
Poſthac: & Dominus qui colit vnicè
Doctos, atque bonos, ne dubita, tibi
Mercedem dabit optimam .*

ἐν πόγι τὸ κλέος .



D E S E N A, P L A N T A
inter omneis, quotquot sunt, homini-
bus beneficentissima & saluberrima,
 Opusculum, Autore A N T O N I O
 M I Z A L D O Monluciano, medico.



V I A nullum ho-
 die purgans me-
 dicamentum sim-
 plex tam frequens
 habetur in ore &
 opere, non dicam

vniuerso medicorum ordini, sed
 etiam omni ferè populo, quàm Se-
 na: idcirco precium operæ factu-
 rum me putavi, si illius historiam,
 vsum, facultates & præstantissima

*Nullum me-
 dicamentum
 Sena popu-
 larium.*

auxilia à Græcis medicis, Arabibus
& Latinis fideliter accepta, & ha-
ctenus magno mortalium com-
modo probata, hîc, pro mea tenui-
tate, paucis perstringerem. In eo-
rum maximè gratiam, qui vel me-
dicinæ non sunt initiati, vel aliis
studiis & occupationibus ita sunt
distracti, vt medicorum libros eis
legere non liceat. Venio itaque
à verbis in rem.

*Quibus scri-
batur hoc
Opusculum.*

*Quibus nominibus uocetur Sena apud
uarias gentes. CAPVT I.*

PLANTA, Græcorum medicis
iunioribus (nam antiquiores
eam ignorarunt) σέννα, vt etiam La-
tinis nuncupata, vel, vt Hermolao
placet, Senna, Gallis Sené, Germa-
nis Senet, Hispanis Sen d'Alexan-

*Sena varia
& gentilia
nomina.*

dria, & Italis Sena, Aphricanis, Arabibus, ac Mauritanis medicis, Sene, Persis, teste Damasceno Mesue, Albalzemer, patrio vocatur nomine.

Senæ descriptio, pictura & deliniatio.

C A P V T I I.

SENA herba est foliis constans glycyrrizæ, subpinguibus & crassis, caule cubitali, à quo flexiles lori modo exeunt ramuli, flores illi adsunt aurei, veluti brassicæ, purpureis venulis intercursantibus: quibus falcati succedunt folliculi, tenui pediculo è ramulis pendentes: adeoque naturâ compressi, ut inferior membrana superiori adhæreat. Maturescentes, impetuum ventorum faciliè deturbantur, contento intus semine quod ex nigro

Senæ deliniatio ex And. Matthiolo, in 70 cap. 3 libr. Dioscoridis.

subuirescit & vuarũ vinaceis vsque
adeò simile habetur, vt non facilè
alterum ab altero, prima oculorum
obseruatione distingui possit. Se-
rapio Arabs medicus, lunatas sili-
quas & oblongas illi ascribit: in
quibus femina per ordinem dige-
sta clauduntur, & ab opilionibus,
impinguandis ouibus, vbi decide-
runt, diligenter leguntur. Planta
hæc frigoris summè est impatiens,
vnde Maio mense debet feri: nec
vltra Autumnum viget. Priùs fata
facilè perit, seriùs, hyemem non
sustinet.

*Senam non esse eãdem cum Colutea, &
de utriusque discrimine & pictura.*

C A P V T I I I.

FALLVNTVR qui arborem
eam quam Theophrastus Co-
luteam appellat, Senã esse ob id ar-

*Serapio in
libro de sim-
plic. medi-
camentis.*

*Libro 3 cap.
17 de plan-
tarum hi-
storia.*

bitrantur, quòd folliculos habeat
 saginadis ouibus à pastoribus sum-
 mè expetitos, vt de lunatis filiquis
 Senæ, paulò antè scripsisse diximus
 Serapionem: Verùm id discrimi-
 nis inter vtramque intercedit,
 quòd Colutea vocata, arbor sit
 & non herba. Cuius descriptio-
 nem, qualem ex ipsa arbore mihi
 licuit in quodam horto amœnissi-
 mo excipere, hîc proponere non
 grauabor. Itaque, Colutea arbor
 est, in hoc Parisiensi agro, vt etiam
 in aliis frequens: De cuius stipite
 prodeunt rami quamplurimi, sur-
 culos admodum tenues ac flexiles
 hinc inde spargentes, è quibus
 exeunt folia, fœno græco, vel gly-
 cyrrhizæ non multum dissimilia,
 æquali vtrinque serie, & numero
 (vbique ferè vndenario) perbellè

*Colutea de-
 liniatio ad
 vngnem ex-
 pressa.*

discreta, sed sub autumnum flavescentia, leuique ventorum agitato, vel aliter, cum suis furculis cadiua. Ex eorum alis, maximè ad ramorum cacumina, suo tempore emergunt virgulæ quædam, agnata dicas, foliis vbique viduæ: quæ summa & extrema sui parte, flauos & aureos diffundunt flores: singulos alicubi, binos alibi, ternos, quater-nos, & quinos, vel plurimùm fenos glomeratim. Qui, genistæ modo, in ferculæ vineaticæ & lunulæ, aut scirpiculæ formam paulatim desinētes, totidem vesicularum, quot illi fuerunt, rudimenta exprimunt. Quæ quidem vesiculæ, ex pediculo admodum fragili, sigillatim pendulæ, in ventrem & carinatū gibbum pedetentim crescunt: viridi primùm & herba-

*Flores Co-
lutea, & ex
ijs folliculi,
& vesiculæ.*

ceo colore, tum demum subrubescente & rufo. In ijs pars carinata, gibba & conuexa, neruo, ceu septo quodam oblongo, & veluti diaphragmate, in duas parteis dirimitur, æquè ac sima & concaua: re vera peram pastoralem, vel piscatoriam nauiculā esse dicas, sese hinc inde proferentibus à cauda & capite, ceu à prora & puppi, quibusdam appendiculis, quæ ligamentorum vicem ac modulum præ se ferunt. Dictæ vesiculæ, vel, si mauis, vtriculi & folliculi cre-
Vnde distenduntur conluteæ folliculi.
scientes, vsque adeò distenduntur & pellucet, vt immisso flatu, quis factum fuisse non temerè sibi persuadeat: Cùm tamen natura, non arte id fieri certò constet, spiritumque distendentem ibi inesse palàm arguat crepitus erumpens

vbi pedibus vel manibus, aut aliter, instar vesicularum in piscibus premuntur. Mēbranci huiusmodi folliculi tādē flaccescunt, semina includentes ad rectam lineam miro ordine vtrique digesta, parua, & vbi maturuerint, atra ac rotunda, lētis effigie. Sed in Coluteæ pictura & descriptione versatum satis.

Capite præcedente.

Quod ad plantam Senæ attinet, non habeo quod in præsentiarum de illius historia & deliniatione aliud proferam, quàm quod paulò antè ex Andrea Matthiolo dictum fuit. Nam hætenus viam & in sua radice vigentem herbam videre mihi non licuit. Vt ut fuerit, in eo discrepat Sena à Colutea, quòd pressis & lunatis, sic satis, folliculis filiquetur, qui nec turgēt nec distenduntur ac pellucent, ut
in

in Colutea: & semen, vt scripsimus, In quo dif-
ferat Sena
à Colutea.
 includunt, vuarum vinaceis & gra-
 nulis sane quàm simile. Quibus
 addes, quòd Sena paucorum men-
 sium est herba: Colutea verò mul-
 torum annorum arbor, femine &
 ouillo fimo præcipuè nascens, vt
 tradit Theophrastus: Quo etiam
 autore, feri debet sub Arcturi oc-
 casum præmacerato semine, &
 cùm in aqua pullulare cœperit.
 Cæterùm & si Colutea Alexandri
 Magni ætate non temerè alibi
 quàm in Lipara nascebatur, iam
 diu tamen in Gallia multis vt dixi-
 mus locis viget, ac nomine *Bague-*
naudier omnibus innotescit. Er-
 rant itaque, meo iudicio, qui ei
 facultates omnes innoxie tribuunt,
 quas vna Sena sibi peculiariter ven-
 dicat. Nam præter quàm quòd Facultates
Sena non
conuenire
Colutea.

vomitiones, non secus quàm genitæ semen, promouet: Colutea, etiam ventriculo summum negotium facessit, & tormina multa excitat: necnon flatus & intestinorum rugitus: Quorum omnium expers est Sena, vt paulò pòst ostēdemus.

Quibus partibus suæ plāta sit præstantior, efficacior, & purgantior Sena.

CAPVT IIII.

SCRIBIT Ioannes Mesues Damascenus, in Arabicorū medicorum collegio summus & celebris, Senam folliculo quàm foliis efficaciorē esse, præsertim si is ex viridi nigricet, sit modicè amarus, absolutus, subastringēs, recēs, & semen continēs amplum ac pressum, nam

nam vetustate exanimatur. Qui subalbidus est folliculus & imperfectus, non probatur: folia viridia sunt præstâtiora subalbidis, & crassa tenuibus, surculi verò inutiles. Haftenus Mesues. Qui, vt audiuiſti, *Senæ folliculi & folia.* Senæ folliculos in deiiciēda aluo, foliis longè efficaciores ac præstâtiores facit: reclamante, non dicam Manardo Ferrariēſi, sed etiam diuturna & assidua medicorum experientia: etsi Brasauolus, qui Mesuem tueri videtur, contrarium sentiat. Actuarius siliquoso fructu, à Barbaris vocato, vti videtur. Andreas Matthiolus suis in Dioscoridem doctissimis Commentariis, hanc controuersiã, sanequàm rectè, mea sententia, ad hunc modum componere satagit: Sciendum, inquit, quòd Senæ folliculi

*Libro tertia
cap. 70*

*Senæ folli-
culi duorum
generum.*

qui siccati asseruantur, duorum sunt generum. Vnum per se caducum, & in sua planta arefactum, à quo semen eximunt nigrum & prorsus euanidum: Huic nullas, vel saltem paruas facultates tribuunt. Alterum, ante maturitatem demetitur, crassum, ponderosum & succo prægnans: Quod tegetibus expāsum, in umbra venundandum exsiccatur. Huic, inquit Matthiolus, sicuti millies periculum fecimus, non minor vis deiectionaria inest, quàm foliis. De eo itaque sensisse videtur Mesues. Cui de experimento subscribit idem Matthiolus, affirmās se aliquando integrum Senæ campum seuisse (quales in Hetruria, & præsertim in Florentino agro quamplurimi visuntur) vt illius folliculos vi-

*Experimē-
tum Mat-
th.oli de se-
næ folliculis
& foliis.*

rentes & succi plenos decerperet: mox siccatos experiretur: num eadem vis eis inesset quàm foliis: quod tandem ita esse facilè agnouit. Qui itaque folliculis commodè & salubriter vti voluerint, Matthioli exemplo, Senam serant vt illos & optimos, & recentes in manu habeant, vel saltem probatissimos emant, si tamen eiusmodi reperiri poterunt: si minùs, foliis vtantur selectis, vt passim fieri solet. Nam hodie nullum ferè præscribitur repurgans medicamentum, quod illorum misturam non admittat. Non temerè itaque Manardus Senæ folia, folliculis caducis & arefactis purgantiora esse sustinuit. Ioannes Fernelius in omni parte medicinæ, citra controuersiam, summus, Mesuem & Arabes

*Folia senæ
in vso frequenti
hodie esse.*

*Cap. 10.
lib. 5. Meth.
med.*

*Comment.
in cap. 15.
lib. 2. de
med. simpl.
Mesuæ.*

Pharmacopœi quorundam error, vel potius negligentia.

sequutus, Senæ folliculos foliis anteponit. Cui Iacobus Syluius sanctam libenter subscribit: utcumque fuerit, nam unguem non verterim, qui folliculis uti volet, quales antequam scriptum fuit sibi comparet: cui verò folia magis arridebunt, recentia & ampla seligat, à quisquiliis, paleaceis sordibus, & furculis, quibus scatet diligenter repurgata: in quo Pharmacopœi plerique oscitantur, ne dicam turpiter, peccare mihi videntur, dum indiscriminatim omnia, vel coquendo, vel macerando confundunt.

Senæ bonitas, electio & præstantia.

CAPUT V.

QVOD attinet ad bonitatem & excellentiam Senæ, ea præstare fertur quæ ex Alexandria Æ-

gypti, vel Syria adfertur. Hanc enim summis laudibus tam Latini quàm Græci medici iuniores effe-
runt. Iacobus Syluius, Indicam & Ægyptiam valentio-
rem esse scribit parte media quàm sit Appula & Ligustica: & rursus postremam
nostrate Colutea: quæ, vt diximus, falsò & perperàm pro legitima Sena à multis vsurpatur. Vtra verò præstantiora sint, folia an folliculi, paulò antè disputatum est.

Syluius loco paulò antè citato.

Quo pondere & modo exhibeatur Sena, Arabibus, Græcis, ac Latinis Medicis. CAPVT VI.

SERAPIO Senæ tritæ ceu pul-
ueratæ drachmam vnam, coctæ
verò semunciam, vel drachmas
quinque imperat. Mesues infun-

In lib. de simpl. medicamentis.

Libro &
cap. antea
notatu.

dit ab aureis tribus, hoc est, à semū-
cia, vel drachmis quatuor cum se-
misse, ad vnciam vnam. Ex Græ-
cis vnus Actuarius, pulueris exhi-
bet drachmam vnam : in decocto
verò semunciam. Ioannes Ferne-
lius dat pulueris ad drachmas duas,
decocti à drachmis tribus ad drach-
mas sex: diluti verò ab vncia dimi-
dia, ad vnciam vnam. Quæ omnia
ad fumentium naturam, & medi-
candorum vires, ætatem, corporis
habitum, sexum, & alios scopos,
prudenter sunt referenda & coa-
ptanda.

*Facultates & probata Senæ præsidia,
ex Græcis medicis. CAPVT VIII.*

ACTVARIVS, qui solus in-
ter Græcos medicos, quan-
tum

tum extat, Senæ vires descripsit, memoriæ mādauit illam & bilem, & pituitam, denarii pondusculo deiicere, absque vlla corporis & facultatum eius noxa & molestia: *Quibus morbis succur- rat Sena, ex Aëtuario medico graeco.*

Secundùm hos humores, retorridam, atrámque bilem, etiam modestissimè purgat, & illarum suffusiones ex gallinaceo iure clementer expellit. Insuper vetusto capitis dolori, scabiei, comitialibus, & impetigini succurrit, sed modicè feruefactæ Senæ iusculum, potius quàm tritæ farina propinatur: internas etiam obstructions referat.

Facultates & auxilia Senæ, ex Arabibus medicis, CAPVT IX.

IOANNES Mesues Damascenus, de Senæ facultatibus & præfidiis ad hunc scribit modum. *Libro 2. purgantium medicamentorum simplicium, Cap. 15*

D

Sena terget, expurgat & digerit: ob id melācholiā & bilem vstā à cerebro, sensoriis organis, pulmone, corde, hepate & liene deiicit. Proinde morbis dictarū partium ab humore huiusmodi proficiscentibus succurrit, vt melancholicis febribus & antiquis. Gaudium gignit, sublato humore absque causa externa tristante, & floridum corpus efficit, obstructionēsq̃ viscerum aperit. Decoctum foliorum eius & chamemeli, neruos ac cerebrum lotionē roborat. Eadem quoque Sena, modo quouis vsurpata, visum & auditum firmat. Cuius purgatio si tarda fuerit & imbecilla, mistis acribus celerabitur: vt Zinzibere, sale gēmeo, sale Indo, & similibus. Ne verò stomachum lædat, cardiaca & stomachica ei sunt

*Quoniam
modo inue-
tur & ac-
celeretur se-
næ purga-
tio.*

miscenda, & largo pondere ex iure galli, gallinæ, vel aliarum carnum coquenda, ut citra molestiam purget: vel serò lactis infundetur cum spica, deinde parum diu feruebit. *Quibus miserari gaudeat Sena.* aut pulvis foliorum eius ex lacte dulci sumetur. Sunt qui decocto eius cum prunis, & spica foeliciter purgent. Cæterum mediocrem sustinet coctionem. Hactenus Mesues.

SERAPIO Arabum Medicus, hæc, de facultatibus Senæ, posteritatis memoriæ reliquit. Sena mirificè prodest delirio, amentia, scissuris totius corporis, resolutioni neruorum, phthiriasi, cephalalgia, scabiei, pustulis, pruritu & epilepsia. Cor etiam roborat modò iis cōmisceatur medicamē-

tis, quæ ipsum maximè confirmât.

Quibus succurrat morbis Sena, & quæ præstet auxilia hominibus, ex Latinis medicis. CAPVT X.

*Libro 6^{to} lo
co prius es-
tato.*

*Quas cor-
poris partes
maximè re-
purgat Se-
na.*

IOANNES Fernelius Senam & eius auxilia his commendat ver-
bis: Sena melâcholiâmetorridam,
nec non bilem, & crassam pituitam
commodissimè purgat: non statim
è distantioribus locis, sed præcipuè
è liene, deinde etiam ex aliis visce-
ribus, ex hypochondrijs & mesête-
rio: in quibus est omnis eluuij
sentina. Ex ijs enim sedibus vix
aliud quidquam æquè validè cor-
ruptos humores prolicit, aut ob-
duratos tumores euacuat, aut in te-
nues venas subiens, veteres earum
obstructiones expedit: neque ta-
men vicinas hydropicorum aquas

detrahere potest. Diuturnorum
 atque lentorum morborum, quos
 viscerum impuritas, aut vetus ob-
 structio genuit, singulare est præsi- *Mira Senæ*
 dium: ut lentarum, veterumque fe- *præsidia.*
 brium, melancholiæ, epilepsiæ, sca-
 bie, impetiginis, vitiliginis, elephā-
 tiasis, & omnis denique impurita-
 tis. Sensus pariter exacuit, cor exhi-
 larat, torsionibus sæpè molesta:
 non quòd flatulenta sit, sed quòd fir- *Senam fla-*
 miter hærentes humores, & plerun- *tulentam*
 que acres, nequeant sine sensu dolo- *non esse.*
 ris auelli. Nunquā tamen deprehē-
 sum est, vel intestina corradere, vel
 sanguinem proritare: blandè alio-
 qui, sed tamen lentè purgans: nulla
 qualitate infensa, nisi quòd ventri-
 culo aliquantū grauis: pueris, ac
 senibus utilis, neque prægnantibus *Senam præ-*
 aduersa. Permiscenda ei sunt que *gnantibus*
non esse ad-
uersam.

*Quanam
misceri senæ
conueniat.*

ventriculum roborent, fimúlque
tardiores vim extimulent: cuius-
modi sunt Zingiber, cinnamo-
mum, aut spica: & quæ leniendo,
sine torsionibus, facilè deducant.
Qualia sunt iura pingua, pruna,
iuiubæ, vuç passæ, viola, althea, po-
lypodium: & qui ex his fiût syrapi.

*Comment.
in cap. 15,
libr. 2. Ioan.
Mesuæ.*

IACOBVS Syluius de Senæ
auxiliis in hunc scribit modum: Se-
na folliculis latis, sed falcatis, & in
his femine, vtilior purgando hu-
mori melancholico & morbis ab
eo pendentibus & prodeuntibus.
Multis torminosa est, alijs clemēs,
pro varia fumentium natura. Tu-
tiùs tamen est mastiche, vel cary-
ophyllis, & alio (vt cinnamomo,
femine anisi) corrigere: folijs non
est inefficax. Veteribus omnino

indicta est planta.

MANARDVS Ferrariensis se expertum dicit, Senam præter iam dicta, & contra Auerrhois sententiam, pituitam etiam purgare: ex Actuarij Græci medici, vt antea monuimus, opinione & experimento. Ad hec, valere aduersus *Senam valere aduersus lucem hispanicam.* lucem Hispanicam: Aquas etiam purgare sæpenumero visa est.

ANDREAS Matthiolus Dioscoridis interpretæ ad vnguem factus, de Sena hæc ex multis tradit: E nostrate Sena, inquit, adhuc in agro virète, & rosarum diluto, ego *Comment. in cap. 70 libri 3.* quotannis syrupum parare cōsueui, qui tutò & largè omnes purgat humores. Datúrque cōmodè prægnantibus, ac pueris, & cuiuscunque ætatis hominibus. Dilutum

*Dilutum Se-
ne præstare
eius decocto.*

tamen magis præstat, quàm deco-
ctum: quia nulla ex parte exhalat.

Cuius vnciæ quinque, vel sex, al-
uum absque molestia solvunt.

Quòd tutò dari possit prægnanti-
bus & pueris, experientia docuit:
cui suffragatur Actuarius, Senam

*Quenam ad-
denda ut al-
uum valen-
tius deiciat
Sena.*

citra noxam purgare tradens. Red-
ditur medicamētum hoc in dei-
cienda aluo præstantius atque va-
lentius, si cassia nigra, aut manna,
aut rhabarbaro, aut rosarum dilu-
to, aut rhodopharmaco, quod of-
ficinæ syrupum rosatum solutivum
vocant, commisceatur: aut si ma-
ceretur Sena caprino sero. Visce-
rum obstructiones aperit, auget
iuuentutem, senium retardat, ani-
mi hilaritatem adfert: & pleraque
alia commoda præstat: de quibus
anteà.

Compositio præstantissimi diluti è Sena, eodem Andr. Matthiolo præscribente. CAPVT XI.

VMANTVR foliorum electissimę Senę drachmę sex: Zinziberis, aut cinnamomi cōtriti; drachma vna: florum buglossi, drachmę duę: misceantur omnia, & fictili vitreato, aut stanneo vase angusti orificij excipiantur: affusisque feruentis aquę, vel feri caprini, vnciis decem, vasis osculum adeò occludatur, vt. nullus omnino spirandi pateat exitus. His peractis, puluinari plumis anserinis farcto, ignique calefacto vas inuoluatur, & in arca vbi pernoctet, reponatur. Sic enim calore seruato, omnem in se facultatem dilutum recipiet, & summę

Efficacissimum dilutiū è Sena, & eius compositio.

efficax habebitur ad omnes paulò
antè memoratos affectus, absque
vlla molestia, & corporis noxa.

*Vinum è Sena medicatum, ex Ioanne
Mesue. CAPVT XII.*

Lib. 2.
cap 15.

VINO musteo albo, inquit
Mesues, miscebat quidã vim
magnã Senę, post tres menses po-
tandum dabat: sicque purgabat ce-
• rebrum & sensoria organa, nec
non gaudium augebat, ac lætitiã.

Si quis alias formas cõponendi
huiusce vini medicati, & aliorum
item quorumcũque scire cupit, le-
gat quæ haud ita pridẽ à nobis scri-
pta sunt, in Opusculo de variis artifi-
ciis & facili methodo cõponendo-
rum olerum, radicum, fructuum,
vuarum & vinorum, quę diuersis
morbis

Reperitur
Lutetie a-
pud Federi-
cum Morel-
lum Typo-
graphum
Regium.

morbis iucūdè, & absque vlla noxa clementer succurrant: illic inueniet quod didicisse iuuet.

Hæc sunt quæ in præsentiarū de Senæ viribus & præstátia scribere visum fuit. Cuius *πλνχρήσεται* auxilia qui attentè obseruabit, illam, reuerà, non ampliùs Senam, sed Sanam herbã *κατὰ μετωνυμίαν, καὶ συνεκδοχικῶς* perappositè nūcupabit. Fruere, Lector optime, & propicio cælesti illo Æsculapio (sine quo est omnis medicina venenum) fœliciter vttere: vt sano, è Sena, sit mens in corpore sana.

FINIS.

LECTORI ARCANORVM

NATVRAE STUDIO S.

AD MONITVS à Typographo paginas aliquot nudas, & albas, vt vocant, sub finem Opusculi nostri superesse, precium operæ facturum me existimaui, si scripto aliquo insigni eas vestirem et replem. Illud cum diu multumque disquisiissem, ecce, peropportunè inter chartulas meas sese obtulit Procli Platonici philosophi Narratiuncula, cum vetustate, tum eruditione adprimè commendabilis. Huius itaque fragmentũ, vel potius paraphrasticam Epitomen è Græco hîc pro coronide, tibi assuere visum fuit.



QUEMADMODVM Amatores, inquit Proclus, à formositate quæ circa sensum versatur, paulatim ad diuinam pulchritudinem transiuerunt: ita prisca arcanorum Naturæ perscrutatores dum rerum naturalium quandam *συμπάθεια*, cognationẽ & amicitiam aliorum ad alia & manifestorum ad vires occultas animaduertunt, & omnia in omnibus esse cognouerunt, facram inter eos & arcanam scientiam condiderunt, scientes in infimis suprema latere, & in supremis infima. In cœlo quidem terrena, sed modo cœlesti: & in tellure cœlestia, sed modo terreno. Nam vnde arbitramur plantas illas quas Solisequas vocât, pro Solis motu ad Solem conuerti ac moueri & Lunisequas, ad Lunam, nisi quòd illæ velut precantes, hymnos concin-

nunt ad ordinis sui duces? Sed alia quidem intellectuali modo, alia rationali, alia sensibili id agunt. Ex quo fit ut Solisæqua planta, quomodocunque potest ad Solem moueatur: Cuius pulsationem circuitu in aëre factam si quis audire posset, procul dubiò harmoniam quandam erga suum regem ex ea in illum conuersione modulatam obseruaret, qualem planta ipsa potest perficere. Quamobrem licet in terra, & Solem & Lunam aspicere, sed pro terrena qualitate & modulo. Ad hæc in cælo plantas, lapides & animalia pro cœlesti natura vitam intellectualem habentia. Quod vnum veteres contemplati, aliis cœlestium, aliis terrenorum naturam appositè tribuerunt: & hinc diuinas virtutes ob quandam similitudinem in locum terræ, & res illius non ineptè deduxerunt. Quid de Loto dicam? qui antè Solis exortum folia in se complicat, & eodem oriente illamet paulatim explicat, donec ad mediam cœli plagam ascenderit, quo tempore illa prorsus pandit & aperit? Quatenus verò à summo cælo imum petit, sensim eadem contrahit. Qua vna foliorum dilatatione & contractione, numquid videtur Solem non minus honorare, quàm homines genarum gestu, ac labiorum motu & agitatione? Nec in plantis solum quæ vestigium habent vitæ, sed etiam in lapidibus eam imitationem & participationem superiorum luminum aspicere licet ac demirari. Nam Helites lapis solares radios, aureis suis radiolis imitatur: & Selenites figura lunæ cornicularis similis, quadam sui mutatione lunarem sequitur

motum. Sic Helioselenus quodammodo Solis & Lunæ cōgressum æmulatur & colore figurat. Adeò diuinorum plena sunt omnia, terrena cœlestium, cœlestia verò supercœlestium: proceditque quilibet ordo rerū, vsque ad vltimum. Sunt & animalia plæraque solaris, veluti Leones & Galli, numinis cuiusdam solaris, pro sua natura participes, vnde mirū, est quantum inferiora in eodem ordine superioribus cedant: quanuis magnitudine & potentia illis nihil concedāt. Hinc ferunt Gallum à Leone quamplurimum timeri, & quasi coli. Cuius rei causam à materia aut sensu assignare non possumus, quin potius ab ordinis contemplatione & principatu: quòd solare numen Gallo magis faueat ac cōueniat quàm Leoni. vnde ille surgenti Soli, cantu, ceu hymnis quibusdam, applaudit, eūque, dum ex Antipodum medio cœlo ad nos deflectit, quasi euocat & cātando festinare inuitat. Addo quòd solares dæmones nonnunquam visi sunt leonina fronte ac facie: Quibus cū Gallus obiiceretur, repentè disparuerunt: quòd sanè inde procedit, quia quæ in eodem ordine sunt inferiora, superiora semper reuerentur, illaque reformidant non secus quàm multi de infima plebe, qui quoties summorum & diuinorum virorum, non dicam faciem, sed imagines aut statuas intuentur, non solū eas reuereri solent, sed etiam formidare ne illis præsentibus aliquid turpe committant. Hactenus Proclus.







LIBRI LATINI AB ANTONIO

Mizaldo Monluciano, Medico & Mathematico, hæctenus editi, & publicæ utilitati expositi, anno, loco, & typographo eorundem expressis.



PHÆNOMENA, siue temporum signa, Lutetiæ impressa, Apud Reginaldum Calderium, anno 1546.

Meteorologia, siue rerum aëriarum Cōmentariolus, Lutetiæ apud eundem, & anno eodem.

Cometographia, crinitarum stellarum naturam & portenta libris duobus proponens, Lutetiæ apud Christianum Vuechelum, 1549.

Aesculapii & Vranæ medicum & astronomicum ex congressu colloquium, Lugduni apud Ioannem Tornesium, 1550.

Planetologia, astronomicè & medicè demonstrata, Lugduni apud Matthiam Bonhomme, 1551.

Mundi sphaera, seu Cosinographia, tribus libellis proposita, Lutetiæ apud Guil. Cavellat, 1552.

Zodiacus, siue duodecim signorum cæli Hortulus, Lutetiæ apud Carolam Guillard, 1553.

Planetae, seu Planetarum Collegium cœleste, Lutetiæ ibidem & anno eodem.

Asterismi, siue stellarum octauæ orbis imaginum Officina.

LIBRI AB ANTONIO MIZALDO
cum Encomio docti Astronomi rerum cæli interpretis, ibidem &
anno eodem.

Catalogi Sympathie & Antipathie rerum aliquot memora-
bilium, Lutetia apud Iac. Keruer, 1554.

Ephemerides æternæ perpetuæ, seu popularis & rustica tempe-
statum Astrologia, Lutetia apud eundem, & anno eodem.

Arcanorum naturæ syluula, Lutetia, & apud eundem, 1555.

Harmonia cælestium corporum & humanorum astronomicè
& medicè demonstrata, apud eundem & anno eodem.

Ephemeris cælestis, anni 1555, præter modum vulgarem no-
ua methodo scripta & supputata, apud eundem, & anno eodem.

Vsus & explicatio Ephemeridum cælestium, anno eodem &
apud eundem.

Symbolum funebre in obitum Orontij Finai Regij Mathema-
tici, cum eiusdem vita & tumulo, Lutetia apud Aegidium
Gourbin, 1555.

Ephemeris cælestis anni 1556, Lutetia apud Iacobum
Keruer, 1556.

Ephemeris cælestis, anni 1557, ibidem, anno eodem, &
apud eundem.

De arcanis naturæ libelli quatuor pulcherrimi, Lutetia
apud eundem, 1558.

In cædem sanequàm atrocem & acerbam Antonij Minardi,
in senatu Parisiensi Præsidis inculpatisimi Nania, Lutetia,
apud Federicum Morellum, 1559.

Hortorum secreta, cura & auxilia, libris tribus pulcherrimis
proposita, apud eundem, 1560.

HACTENVS COMPOSITI ET EDITI.

De Hortensium arborum insitione, apud eundem, & anno eodem.

Paracletis super morte Francisci Oliuarij Galliarum Cancellarij, Lutetiae apud Benedictum Preuotium, 1560.

Alexikepus, seu Auxiliaris & medicus Hortus. Lutetiae apud Federicum Morellum, 1564.

Methodus noua comparandorum fructuum, olerum, radicum plantarum, uuarum & aliorum, quae corpus clementer purgent, apud eundem, Et anno eodem.

Diuersa artificia componendorum vinorum, quae varijs morbis benigne auxiliantur, una cum multorum catalogo Et descriptione, apud eundem, & anno eodem.

Centuriae nouem rerum memorabilium, vtilium & iucundarum, apud eundem, anno 1566.

Cosmologia, historiam superioris & inferioris mundi, à varijs variè & obscurè traditam, quatuor pulcherrimis Opusculis dilucidè ac breuiter admodum proponens: apud eundem, 1569.

Opusculum de Sena, herba inter omnes, quotquot sunt, hominibus beneficentissima & saluberrima, apud eundem, anno 1572.

Dioclis Caristij medici ab Hippocrate fama & aetate secundi, aurea ad Antigonum regem Epistola è Græco latinè reddita, De morborum praesagijs, & eorundem ex temporaneis remedijs paratu facillimis, apud eundem, & anno eodem.

Arnaldi à Villa-noua medici praestantissimi Consilium ad Arragonum Regem de salubri Hortensium usu, apud eundem, & anno eodem.



LIVRES EN LANGVE FRANCOISE
du susdict ANTOINE MIZAVLD,
Medecin & Mathematicien.



E Miroir du temps & presages sur
le changement d'iceluy, imprimé à
Paris par Regnauld Chauldiere,
l'an 1547.

Meteores, ou discours des choses
qui sont faictes & engendrees aux
trois regions de l'air, avec les causes:
par le mesme Chauldiere, 1548.

Ephemerides de l'air, ou bien Astrologie rustique &
perpetuelle sur les signes des mutations de temps. à Pa-
ris chez Iaques Keruer, 1554.

Celeste Ephemeride pour l'an 1555, chez le mesme
Keruer, & audict an.

Explication, vsage & pratique des Ephemerides cele-
stes, avec tables à ce necessaires, chez le mesme Keruer
1556.

Ephemeride celeste pour l'an 1556, chez le mesme
Keruer, & audict an.

Ephemeride celeste pour l'an 1557, chez ledict Keruer,
& audict an.

Singuliers Secrets & secours contre la Peste fort
heureusement par plusieurs fois experimentez. Ils se
trouuent à Paris chez Federic Morel, & furent impri-
mez l'an 1562.

LIVRES FRANCOIS.

Les Louanges, antiquitez, & excellences d'Astrologie, extraictes & traduites du Grec de Lucian, & imprimees à Paris par Thomas Richard, 1563.

Nouvelle inuention pour incontinent iuger du naturel d'un chacun par la seule inspection du frôt & de ses lineaments, à Paris chez Guillaume Chaudiere 1565.

Opuscule des Secrets de la Lune, & du consent & accord, lequel plusieurs choses de ce bas monde recognoissent, &, à veüe d'œil, ont commun avec ladicte Lune. à Paris chez Federic Morel imprimeur du Roy, 1570.

ANTONII MIZALDI MONLV-
ciani, Medici & Mathematici, Libri aliquot
nondum in lucem editi, sed posthac
sigillatim edendi, si Deus &
fortuna sinat.

Quadrupedum, & animalculorū ruris & vrbis quo-
rundam medica Historia, auxiliarium arcano-
rum & remediorum omnis generis fecunda: sum-
morūque medicorum testimoniis, & variis eorum-
dem experimentis illustrata.

Sterilitatis annonæ, & eiusdem caritatis, nec non sta-
tus anni cuiusvis Prælagia: de variis priscorum & re-
centiorum obseruationibus accuratè accepta & ad-
notata.

Præludium in symphoniam Medicinæ & Astronomiæ,
ad Tyrones.

Lunæ & Oceani concordia, philosophicè & astronomi-
cè demonstrata. Vbi æstuum maris in affluxu & efflu-
xu tempora cum causis dilucidè aperiuntur.

Methodica pestis descriptio, & eiusdem precautio ac
salutaris curatio.

Mirabilium naturæ operum Cōmentarioli octo, oc-
cultarum & latentū proprietatum in sympathiis & an-
tipathiis, locupletissimi: de priscorū, & recentiorum phi-
losophorum, medicorum & astrologorum lectione, fide
summa & pari diligentia concinnati.

Astrologica Problemata, rerum cœli studiosis ad-
primè vtilia, & hætenus desiderata.

Aphorismorum Hippocratis sectiones septem in to-

LIBRI EDENDI.

tidem classis, iuxta communes medicinæ locos, accuratè digestæ, & adnotatiunculis non vulgaribus illustratæ.

Commentariolus in duos priores libros Apotelesmaton Claudii Ptolemæi, candidatis rerum cæli candidè impertiendus.

Iatromathematicæ, seu medicinæ & astrologiæ Harmonia, à tribus summis & antiquissimis viris, Mercurio Trismegisto, Hippocrate & Galeno, indicibili symphonia modulata.

Astrophania, illustriorum stellarum inerrantium exortus & occasus, statis mensium anni diebus, ad Gallicanum clima, & vicinarum regionum, fideliter proponens.

Methodicæ tabulæ & breues, in sex libros Claudii Galeni de differentiis & causis morborum & symptomatum.

Conciliatio medicorum & astrologorum in controuersia Lunæ, & calculi dierum decretoriorum in morbis. Vbi de hora decubitus, & critica figura *Ægyptiæ* Ptolemæi, cum proprio eius instrumento.

Seleniatricum, hoc est medicum de Luna Opusculum: centum Lunaribus Aphorismis statum morborum & ægrotantium non obscurè indicans.

LIVRES FRANÇOIS DVDICT
ANTOINE MIZAVLD, *qui ne*
sont encores imprimez.

Populaire instruction pour trouuer en tous temps & lieux, sans aucun Almanach, vn chacun renouvellement & changement de Lune, avec exemples fort familiers & faciles.

Pour incontinent sçauoir, sans aide d'aucun liure, en quel Signe du Zodiaque sera la Lune vn chacun iour.

Cognoistre facilement par la Lune de Mars, le iour de la solennité du saint Pasque, & Resurrection de IESVS-CHRIST: comm'aussi toutes les festes mobiles qui precedent & ensuiuent ledict Pasque. Et ce sans aucun Calendier, ou Almanach.

Table pour le mesme faict, calculee pour cinq cents & quatorze ans à venir: sçauoir est depuis 1570, iusques à 2084 Sans y auoir omis le nombre d'or, l'epacte, cycle solaire, & lettre dominicale, qui appartiendront à vn chacun des ans susdicts.

Discours de plusieurs remedes faciles à trouuer & composer contre les bubons, bosses & charbons des pestiferez: le tout experimenté par les denommez audict discours.

Rustiques & populaires discours de la Lune, sur plusieurs choses, lesquelles à l'œil se practiquent par le moien du rayon & corps lunaire.

